



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐԻ
ՀՐԱՄԱՆ

N 1174-Ա/2

22.06.2022թ.

**«ԱԶԱԿՑՈՒԹՅՈՒՆ ՄԻՋԱԶԳԱՅԻՆ ԼՐԱՏՎԱՄԻՋՈՑՆԵՐՈՒՄ ՊԵՏԱԿԱՆ
ԼՐԱՏՎԱԿԱՆ ԳՈՐԾԱԿԱԼՈՒԹՅԱՆ ՑԻՏՄԱՆ ԻՆԴԵՔՍԻ ԵՎ ՀՀ-Ի ՎԵՐԱԲԵՐՅԱԼ
ՕԲՅԵԿՏԻՎ ՏԵՂԵԿԱՏՎՈՒԹՅԱՆ ՏԱՐԱԾՄԱՆԸ» ՄԻՋՈՑԱՌՈՒՄԱՆ
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով, ինչպես նաև Հայաստանի Հանրապետության կառավարության 2021 թվականի հունիսի 2-ի N 815-Ն որոշմամբ՝ «Աջակցություն միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածման» միջոցառման իրականացման նպատակով՝

Հ Ր Ա Մ Ա Յ ՈՒ Մ Ե Մ՝

1. Հաստատել «Աջակցություն միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածման» միջոցառման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1091. Հանրային իրազեկում» ծրագրի «11009. Աջակցություն միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածմանը» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝

նախարարություն) նախատեսված գումարներից հատկացնել՝ 127000.0 հազար (մեկ հարյուր քսանյոթ միլիոն) դրամ՝ «Աջակցություն միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածման» միջոցառման ծախսերի ապահովման համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Արմենպրես» պետական լրատվական գործակալություն փակ բաժնետիրական ընկերությանը հատկացնելու մասին պայմանագիր (այսուհետ՝ պայմանագիր),

4. Նախարարության մշակութային ժառանգության և ժողովրդական արհեստների վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

Հավելված

ՀՀ կրթության, գիտության,
մշակույթի և սպորտի նախարարի
----- 2022 թ.
N ----- հրամանի

ԾՐԱԳԻՐ

«Աջակցություն միջազգային լրատվամիջոցներում պետական լրատվական
գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության
տարածում» միջոցառման

1	Կազմակերպության անվանում	«Արմենպրես» պետական լրատվական գործակալություն ՓԲԸ
2	Կազմակերպության գտնվելու վայր	Ք. Երևան, Իսահակյան 28 (իրավաբանական հասցե) Ք. Երևան Սարյան 22 (գործունեության հասցե)
3	Ծրագրի անվանում	«Աջակցություն միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածում»
3.1	Բովանդակություն	Իրականացվող ծրագրի նպատակը Հայաստանի, ինչպես նաև առաջատար միջազգային լրատվամիջոցների համար Հայաստանի վերաբերյալ հետաքրքիր ու ցիտվող բովանդակության ստեղծումն է, Սփյուռքի հետ լրատվական կապերի ամրապնդումը, ռուսալեզու լրատվական շուկայում առանձին ու լուրջ տեղեկատվա-վերլուծական ներկայության ապահովումն, ինչպես նաև թիրախային լսարանների հետ ուղղակի կապի հաստատումը: Հաշվի առնելով Հայաստանի նկատմամբ միջազգային լրատվամիջոցների հետաքրքրության աճը՝ անհրաժեշտ է նաև երկրի մասին կարևորագույն տեղեկությունները, իրադարձությունների լուսաբանումը տրամադրել նաև օտարալեզու լսարանին:
3.2	Նպատակ	Գործակալության կարողությունների ավելացում, տեղեկատվության որակի բարձրացում, տեսաաուդիո պոդկաստի, միջազգային լրատվամիջոցներում պետական լրատվական գործակալության ցիտման ինդեքսի և ՀՀ-ի վերաբերյալ օբյեկտիվ տեղեկատվության տարածում:

3.3	Անցկացման ժամկետ	Մինչև 31/12/22
3.4	Անցկացման վայր	Երևան
3.5	Ակնկալվող արդյունքներ	Գործակալության ցիտման ինդեքսի բարձրացում, ՀՀ վերաբերյալ օբյեկտիվ տեղեկատվության տարածում
3.6	Ոչ ֆինանսական ցուցանիշներ	Ձեռքբերվող տեղեկատվության ծավալը՝ 6650 ՄԲ և պահպանվող ու արխիվացվող լուսանկարների քանակ՝ 18000 հատ